

სატენდერო განცხადება

ტენდერის ტიპი	ერთეტაპიანი გამარტივებული ელექტრონული ტენდერი
შემსყიდველი	სსიპ „აღსრულების ეროვნული ბიურო“
დაფინანსების წყარო	2017 წლის საკუთარი შემოსავლები
შესყიდვის სავარაუდო ღირებულება	60 000 ლარი
სატენდერო წინადადება წარმოდგენილი უნდა იყოს	დღგ-ს გათვალისწინებით
კლასიფიკატორის (CPV) კოდი და კლასიფიკატორის დანაყოფი 50700000	
კლასიფიკატორის (CPV) კოდი და შესყიდვის კონკრეტული ობიექტი 50710000; 50720000; 50730000; 50750000	
შეთავაზების ფასის კლების ბიჯი	600 ლარი



აღსრულების ეროვნული ბიურო National Bureau of Enforcement

გამარტივებული ელექტრონული ტენდერის საშუალებით

- აღსრულების ეროვნული ბიუროს ადმინისტრაციული შენობის, კვების ობიექტის, სამრეცხაოს, ღია ავტოსადგომის, სასწყობე

მეურნეობის, რეგიონალური ოფისების და აღსრულების პოლიციის შენობაში არსებული ელექტრო და მექანიკური

სისტემების მოვლა-შეკეთების მომსახურების (საჭირო სათადარიგო ნაწილების ჩათვლით) (CPV-50700000; 50710000;

50720000; 50730000; 50750000) სახელმწიფო შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების საფუძველზე.

ქ.თბილისი

2016 წ.

1. ინსტრუქცია ტენდერში მონაწილეთათვის

- 1.1 ელექტრონული შესყიდვა ტარდება სახელმწიფო შესყიდვების ერთიანი ელექტრონული სისტემის (შემდგომში - სისტემა) მეშვეობით.
- 1.2 სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.
- 1.3 გამარტივებული ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.
- 1.4 დავის შემთხვევაში უცხოეთიდან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.5 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედადამული (ასეთის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).
- 1.6 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.7 ტენდერის ჩატარების შესახებ განცხადებით ან/და სატენდერო დოკუმენტაციით მოთხოვნილი ინფორმაციის არასრულად წარმოდგენის ან ისეთი სატენდერო წინადადების წარმოდგენის შემთხვევაში, რომელიც არ პასუხობს ტენდერის ჩატარების შესახებ განცხადების ან/და სატენდერო დოკუმენტაციის ყველა მოთხოვნას, შესაძლებელია გამოიწვიოს ტენდერში მონაწილე პრეტენდენტის დისკვალიფიკაცია.
- 1.8 „გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-6 მუხლის პირველი პუნქტის შესაბამისად, ტენდერისათვის „ტენდერი გამოცხადებულია“ სტატუსის მინიჭებიდან სტატუსის - „წინადადების მიღება დასრულებულია“ მინიჭებამდე, არაუგვიანეს 24 საათისა, სისტემაში „მიმწოდებლად“ რეგისტრირებულ ნებისმიერ მომხმარებელს უფლება აქვს შემსყიდველ ორგანიზაციას, სისტემაში არსებული „კითხვა/პასუხის“ მოდულის მეშვეობით, მოსთხოვოს სატენდერო პირობების კონკრეტული ჩანაწერის განმარტება.
- 1.9 სატენდერო დოკუმენტაციის შესახებ დამატებითი ინფორმაციის და შესყიდვის პროცედურების შესახებ განმარტებების მისაღებად, მიმართეთ სატენდერო კომისიის აპარატის წევრს - ინგა ზვედელიძეს ტელ: (+995 32) 2-72-11-18 (2307) ელ. ფოსტა: ikhvedelidze@nbe.gov.ge მის: ქ. თბილისი, აღმაშენებლის ხეივანი მე-10 კმ.

2. ტექნიკური დოკუმენტაცია

2.1 შესყიდვის ობიექტი

- 2.1.1 შესყიდვის ობიექტს წარმოადგენს - გამარტივებული ელექტრონული ტენდერის საშუალებით - **აღსრულების ეროვნული ბიუროს ადმინისტრაციული შენობის, კვების ობიექტის, სამრეცხაოს, ღია ავტოსადგომის, სასწყოზე მეურნეობის, რეგიონალური ოფისების და აღსრულების პოლიციის შენობაში არსებული ელექტრო და მექანიკური სისტემების მოვლა-შეკეთების მომსახურების (საჭირო სათადარიგო ნაწილების ჩათვლით) (CPV-50700000; 50710000; 50720000; 50730000; 50750000) სახელმწიფო შესყიდვა.**
- 2.1.2 გასაწევი მომსახურების ტექნიკური დავალება განისაზღვრება სატენდერო დოკუმენტაციის დანართი №1-ის შესაბამისად.

2.2 მომსახურების გაწევის ვადა და ადგილი

- 2.2.1 მომსახურების გაწევის ვადა: მომსახურების გაწევა უნდა განხორციელდეს მიმწოდებლის მიერ, მისივე ხარჯებით 2017 წლის 01 იანვრიდან 2017 წლის 31 დეკემბრის ჩათვლით, დანართი №3-ში მოცემული ვადების და პირობების შესაბამისად (დანართი №3 პრეტენდენტის მიერ ატვირთულ უნდა იქნას ერთიან ელექტრონულ სისტემაში);
- 2.2.2 იმ შემთხვევაში, თუ პრეტენდენტი (შემდგომში მიმწოდებელი) იანვრის თვის მომსახურების გაწევას დაიწყებს 2, 3, 4 და ა.შ რიცხვიდან (ხელშეკრულების პირობების შესაბამისად), ანაზღაურება განხორციელდება თვიური გადასახადის პროპორციულად, დღეების მიხედვით.
- 2.2.3 მომსახურების გაწევის ადგილი მოცემულია დანართი №2-ში.

2.3 სატენდერო წინადადების ღირებულება

- 2.3.1 სატენდერო წინადადების ღირებულება და პრეტენდენტის მიერ წარმოსადგენი მომსახურების ხარჯთაღრიცხვა განისაზღვრება სატენდერო დოკუმენტაციის დანართი №2-ის შესაბამისად.
- 2.3.2 სატენდერო წინადადებაში საერთო და ერთეულის ღირებულება გამოსახული უნდა იყოს საქართველოს კანონმდებლობით გათვალისწინებული და გასაწევ მომსახურებასთან დაკავშირებული ყველა გადასახადის ჩათვლით.
- 2.3.3 სატენდერო წინადადების საერთო და ერთეულის ღირებულების წარმოდგენა დასაშვებია მხოლოდ ლარში.

2.4 ანგარიშსწორების პირობები

- 2.4.1 ანგარიშსწორება განხორციელდება ყოველთვიურად, უნაღდო ანგარიშსწორების ფორმით ლარში.

2.4.2 ანგარიშსწორება მოხდება 2017 წლის საკუთარი შემოსავლებით.

2.4.3 ანგარიშსწორება განხორციელდება ყოველთვიურად, გაწეული მომსახურების შესაბამისად გაფორმებული მიღება-ჩაბარების აქტისა და საგადასახადო ანგარიშ-ფაქტურის (იმ შემთხვევაში თუ მიმწოდებელი არ არის დღგ-ს გადამხდელი, მაშინ მან ანგარიშსწორების დროს უნდა წარმოადგინოს შესაბამისი ცნობა სსიპ შემოსავლების სამსახურიდან) წარდგენის საფუძველზე 10 (ათი) სამუშაო დღის ვადაში.

2.4.4 იმ შემთხვევაში, თუ პრეტენდენტი (შემდგომში მიმწოდებელი) იანვრის თვის მომსახურების გაწევას დაიწყებს 2, 3, 4 და ა.შ რიცხვიდან (ხელშეკრულების პირობების შესაბამისად), ანაზღაურება განხორციელდება თვიური გადასახადის პროპორციულად, დღეების მიხედვით.

2.4.5 წინასწარი ანგარიშსწორება (ავანსი) არ გამოიყენება.

2.5 საგარანტიო პირობები და ვადები

2.5.1 გაწეული მომსახურება უნდა იყოს ხარისხიანი და უნდა შეესაბამებოდეს დანართი №1-ით გათვალისწინებულ **ელექტრო და მექანიკური სისტემების შეკეთებისა და ტექნიკური მომსახურების ტექნიკურ დავალებას**.

2.5.2 მიმწოდებელი ვალდებულია შემსყიდველის მიერ წერილობითი მოთხოვნიდან 3 (სამი) სამუშაო დღის ვადაში განახორციელოს წუნდებული მომსახურების გამოსწორება, შემსყიდველის მხრიდან რაიმე დამატებითი დანახარჯის გაწევის გარეშე.

2.5.3 მიმწოდებლის მიერ საგარანტიო ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

2.5.4 შემსყიდველ ორგანიზაციას უფლება აქვს უარი განაცხადოს წუნდებული მომსახურების მიღებაზე.

2.6 ალტერნატიული წინადადება

პრეტენდენტს არ აქვს უფლება წარმოადგინოს ალტერნატიული წინადადება.

2.7 პრეტენდენტის მიერ სისტემაში ასატვირთი დოკუმენტაცია

2.7.1 სატენდერო დოკუმენტაციით გათვალისწინებული **დანართი №1(ელექტრო და მექანიკური სისტემების შეკეთებისა და ტექნიკური მომსახურების ტექნიკური დავალება)**, ამავე დანართით გათვალისწინებული პირობების შესაბამისად.

2.7.2 სატენდერო დოკუმენტაციით გათვალისწინებული **დანართი №2 (გასაწევი მომსახურების ხარჯთაღრიცხვა)**. აღნიშნულ დანართში პრეტენდენტის მიერ მითითებულ უნდა იქნას გასაწევი მომსახურების საერთო და ერთეულის ღირებულებები, ამავე დანართით გათვალისწინებული პირობების შესაბამისად;

2.7.3 სატენდერო დოკუმენტაციით გათვალისწინებული **დანართი №3 (მომსახურების გაწევის ვადები)**. აღნიშნულ დანართში პრეტენდენტის მიერ უნდა იყოს ასახული მომსახურების მიწოდების ვადები ამავე დანართით გათვალისწინებული პირობების შესაბამისად.

2.7.4 სატენდერო დოკუმენტაციით გათვალისწინებული **დანართი №4 (რეკვიზიტები)**. აღნიშნულ დანართში პრეტენდენტის მიერ მითითებულ უნდა იქნას ინფორმაცია ორგანიზაციის რეკვიზიტების შესახებ ამავე დანართით გათვალისწინებული პირობების შესაბამისად.

2.7.5 პრეტენდენტმა, სატენდერო დოკუმენტაციასთან ერთად, ერთიან ელექტრონულ სისტემაში, უნდა ატვირთოს სატენდერო დოკუმენტაციის 2.8.3, 2.8.4 და 2.8.5 პუნქტებით გათვალისწინებული მოთხოვნები.

2.8 დამატებითი ინფორმაცია

2.8.2 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ, სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, მიმწოდებელი ვალდებულია, შემსყიდველის მოთხოვნიდან, არაუმეტეს **5 (ხუთი)** სამუშაო დღის ვადაში, დაასაბუთოს ფასწარმოქმნის ადეკვატურობა. ფასწარმოქმნის ადეკვატურობა, შესაძლებელია დასაბუთდეს **ექსპერტიზის დასკვნით**, ან/და შესაბამის სფეროში საქართველოს კანონმდებლობით განსაზღვრული უფლებამოსილების/აკრედიტაციის მქონე პირის მიერ გაცემული საექსპერტო ან/და აუდიტორული, ან/და საშემფასებლო დასკვნით (პრეტენდენტის მიერ, დასკვნასთან ერთად, ასევე, წარმოდგენილი უნდა იქნას დასკვნის გამგები პირის შესაბამისი უფლებამოსილების/აკრედიტაციის დამადასტურებელი დოკუმენტი), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2.8.3 პრეტენდენტს უნდა გააჩნდეს, **2014 წლიდან - ტენდერის გამოცხადების თარიღამდე** ტენდერით გათვალისწინებული ანალოგიური (**ელექტრო და მექანიკური სისტემების შეკეთება და ტექნიკური მომსახურება**) შინაარსის მომსახურების გაწევის გამოცდილება. გამოცდილების დამადასტურებლად, პრეტენდენტმა უნდა წარმოადგინოს (სისტემაში ატვირთოს) ხელშეკრულებების (მინიმუმ 2 (ორი)) და მისი შესაბამისი მიღება-ჩაბარების აქტების ასლები, ან/და ინფორმაცია სატენდერო განცხადების SPA და CMR ნომრების შესახებ, ან ნებისმიერი სახის დოკუმენტი, რომელიც დაადასტურებს პრეტენდენტის გამოცდილებას ანალოგიური მომსახურების შესახებ.

2.8.4 იმ შემთხვევაში, თუ პრეტენდენტს არ გააჩნია 2.8.3 ქვეპუნქტით მოთხოვნილი შესაბამისი გამოცდილება, განხორციელდება მისი დისკვალიფიკაცია სატენდერო პროცედურიდან.

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ერთი მხრივ, საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირი - აღსრულების ეროვნული ბიურო (იურიდიული მის: ქ. თბილისი, აღმაშენებლის ხეივანი მე-10 კმ.), წარმოდგენილი - ფინანსების, სტატისტიკისა და შესყიდვების სამსახურის უფროსის კობა ხუბუნაიას სახით (შემდგომში „შემსყიდველი“) და მეორე მხრივ, _____ (იურიდიული მის: ქ. თბილისი, _____) წარმოდგენილი - _____ სახით (შემდგომში „მიმწოდებელი“), შემდგომში ორივე ერთად წოდებული როგორც მხარეები „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „რ“ ქვეპუნქტის, სახელმწიფო შესყიდვების სააგენტოს 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა შესაბამისად და შემსყიდველის მიერ გამოცხადებული გამარტივებული ელექტრონული ტენდერის (_____ სახელმწიფო შესყიდვა) საფუძველზე, ვდებთ სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „შემსყიდველი ორგანიზაცია“ (შემდგომში - „შემსყიდველი“) - ორგანიზაცია, რომელიც „სახელმწიფო შესყიდვების შესახებ“ საქართველოს კანონით განსაზღვრული თანხებით ახორციელებს სახელმწიფო შესყიდვას.
- 1.2 „მიმწოდებელი“ - პირი, რომელმაც მოიპოვა გამარჯვება შემსყიდველის მიერ გამოცხადებულ ტენდერში (SPA _____).
- 1.3 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, მასზე თანდართული და მიმწოდებლის მიერ წინამდებარე ხელშეკრულების 1.2 პუნქტში მითითებული, ტენდერისათვის წარმოდგენილი ყველა დოკუმენტით, მათ შორის:
 - 1.3.1 ელექტრო და მექანიკური სისტემების შეკეთებისა და ტექნიკური მომსახურების ტექნიკური დავალება (დანართი №1).
 - 1.3.2 გასაწევი მომსახურების ხარჯთაღრიცხვა (დანართი №2).
 - 1.3.2 მომსახურების გაწევის ვადები (დანართი №3).
 - 1.3.3 პრეტენდენტის რეკვიზიტები (დანართი №4).
- 1.4 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5 „დღე“, „კვირა“, „თვე“ - კალენდარული დღე, კვირა, თვე.

2. ხელშეკრულების საგანი

- 2.1 ხელშეკრულების საგანს წარმოადგენს შემსყიდველი ორგანიზაციის მიერ ----- (შემდგომში „მომსახურება“) სახელმწიფო შესყიდვა.
- 2.2 შესყიდვის ობიექტის კლასიფიკატორის კოდი: -----.
- 2.3 გასაწევი მომსახურების ტექნიკური დავალება, გასაწევი მომსახურების ფასების ცხრილი და მომსახურების გაწევის ვადები, განისაზღვრება დანართი №1, №2, და №3-ის შესაბამისად.

3. ხელშეკრულების ღირებულება

- 3.1 ხელშეკრულების საერთო ღირებულება განისაზღვრება მიმწოდებლის მიერ წარმოდგენილი დანართი №2-ის შესაბამისად და შეადგენს ----- (-) ლარს.
- 3.2 ხელშეკრულების ღირებულება მოიცავს, როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს და გადასახდელებს, დღგ-ის ჩათვლით.

4. მომსახურების გაწევის ვადა და ადგილი

- 4.1 მიმწოდებელი მომსახურების გაწევას განახორციელებს 2017 წლის 01 იანვრიდან 2017 წლის 31 დეკემბრის ჩათვლით, სატენდერო დოკუმენტაციით გათვალისწინებულ დანართი №3-ში მოცემული ვადების და პირობების შესაბამისად.
- 4.2 მიმწოდებელი მომსახურების გაწევას უზრუნველყოფს საკუთარი ხარჯით.

5. ხელშეკრულების შესრულების კონტროლი

- 5.1 მიმწოდებლის მიერ აღებული ვალდებულებების ჯეროვნად შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი უფლებამოსილია განახორციელოს ხელშეკრულების შესრულების კონტროლი.
- 5.2 შემსყიდველის მხრიდან ხელშეკრულების შესრულების კონტროლს ახორციელებენ: სსიპ „აღსრულების ეროვნული ბიურო“-ს ლოჯისტიკის სამსახურის თანამშრომლები _____ (შემდგომში „ინსპექტორების ჯგუფი“).
- 5.3 ინსპექტორების ჯგუფის ფუნქციები:
 - 5.3.1 გაუწიოს კონტროლი ხელშეკრულებით გათვალისწინებული მომსახურების გაწევის ვადების დაცვას;
 - 5.3.2 დაადგინოს გაწეული მომსახურების ან/და მისი ნაწილის ხარისხის შესაბამისობა ხელშეკრულებით გათვალისწინებულ მოთხოვნებთან;

5.3.3.გააფორმოს მიმწოდებელთან მიღება-ჩაბარების აქტი, უზრუნველყოს გაწეული მომსახურების მიღება და ანგარიშსწორების პროცესის რეგულირება.

6. მომსახურების საგარანტიო პირობები

- 6.1 მიმწოდებელი იძლევა გარანტიას, რომ გაწეული მომსახურება იქნება ხარისხიანი და შესაბამემა დანართი №1-ით გათვალისწინებული **ელექტრო და მექანიკური სისტემების შეკეთებისა და ტექნიკური მომსახურების ტექნიკურ დავალებას**.
- 6.2 მიმწოდებელი ვალდებულია შემსყიდველის მიერ წერილობითი მოთხოვნიდან 3 (სამი) სამუშაო დღის ვადაში განახორციელოს წუნდებული მომსახურების გამოსწორება, შემსყიდველის მხრიდან რაიმე დამატებითი დანახარჯის გაწევის გარეშე.
- 6.3 მიმწოდებლის მიერ საგარანტიო ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოკეთოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.
- 6.4 შემსყიდველ ორგანიზაციას უფლება აქვს უარი განაცხადოს წუნდებული მომსახურების მიღებაზე.

7. მომსახურების მიღება-ჩაბარების წესი

- 7.1. მიმწოდებლის მიერ გაწეული მომსახურება ჩაითვლება მიღებულად მიღება-ჩაბარების აქტის გაფორმების საფუძველზე.
- 7.2. მიღება-ჩაბარების აქტი დგება ყოველთვიურად, მომსახურების (ან მისი ნაწილის) მიწოდების დასრულების შემდეგ, ორივე მხარის მიერ დადასტურებული ხელმოწერით.
- 7.3. მიმწოდებელმა შემსყიდველს უნდა წარუდგინოს ფაქტიურად გაწეული მომსახურების შესაბამისად გაფორმებული მიღება-ჩაბარების აქტი და საქართველოს კანონმდებლობით დადგენილი შესაბამისი საგადასახადო დოკუმენტი, საგადასახადო ანგარიშგაქტურა (იმ შემთხვევაში თუ მიმწოდებელი არ არის დღგ-ს გადამხდელი, მაშინ ანგარიშსწორების დროს უნდა წარმოადგინოს შესაბამისი ცნობა სსიპ „შემოსავლების სამსახურიდან“).
- 7.4. მომსახურების (ან მისი ნაწილის) მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 7.5. ხელშეკრულებით გათვალისწინებული მიღება-ჩაბარების აქტ(ებ)ის გაფორმებაზე პასუხისმგებელ პირს წარმოადგენს სსიპ „აღსრულების ეროვნული ბიუროს“ ლოჯისტიკის სამსახურის უფროსი ან უფროსის მოვალეობის შემსრულებელი.

8. ანგარიშსწორების პირობები და ვადები

- 8.1. ანგარიშსწორება განხორციელდება ყოველთვიურად, უნაღდო ანგარიშსწორების ფორმით ლარში, ფაქტიურად გაწეული მომსახურების მოცულობის შესაბამისად, მიმწოდებლის საბანკო რეკვიზიტებზე.
- 8.2. ანგარიშსწორება განხორციელდება „სააღსრულებო წარმოებათა შესახებ“ საქართველოს კანონის საფუძველზე მიღებული 2017 წლის საკუთარი შემოსავლებით.
- 8.3. ანგარიშსწორება მიმწოდებელთან განხორციელდება ხელშეკრულების 7.2 და 7.3 პუნქტებით გათვალისწინებული დოკუმენტების საფუძველზე, წარმოდგენიდან არაუგვიანეს 10 (ათი) სამუშაო დღის განმავლობაში.
- 8.4. 8.3 პუნქტის შესრულებისათვის წარმოდგენილი დოკუმენტაციის სისრულეზე და რეალობაზე პასუხისმგებელია 7.5 პუნქტში მითითებული პირი.
- 8.5. წინასწარი ანგარიშსწორება (ავანსი) არ გამოიყენება.
- 8.6. შემსყიდველი უფლებამოსილია, ხოლო მიმწოდებელი თანახმაა ხელშეკრულების 12.3 და 12.4 პუნქტებით დაკისრებული პირგასამტეხლოს თანხა (ასეთის არსებობის შემთხვევაში) გამოკეთოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან და გადარიცხოს მიმწოდებლის სახელით სსიპ „აღსრულების ეროვნული ბიუროს“ ანგარიშზე სახელმწიფო ხაზინაში.
- 8.7. საქართველოს კანონმდებლობით გათვალისწინებული ყველა გადასახადის და გადასახდელის გადახდაზე პასუხისმგებელია მიმწოდებელი.

9. მხარეთა უფლება-მოვალეობანი

- 9.1 შემსყიდველი და მიმწოდებელი მოქმედებს „სახელმწიფო შესყიდვების შესახებ“ საქართველოს კანონის მოთხოვნათა სრული დაცვით.
- 9.2 შემსყიდველი უფლებამოსილია:
 - 9.2.1 განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
 - 9.2.2 ხელშეკრულების მე-4 პუნქტით განსაზღვრული მომსახურების გაწევის ვადების დარღვევის შემთხვევაში, მიმწოდებლისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად;
- 9.3 შემსყიდველი ვალდებულია:
 - 9.3.1 ხელშეკრულების პირობების შესაბამისად განხორციელებული მომსახურება;
 - 9.3.2 მოახდინოს მიმწოდებელთან ანგარიშსწორება წინამდებარე ხელშეკრულებით გათვალისწინებული წესების შესაბამისად;
 - 9.3.3 განახორციელოს ამ ხელშეკრულებით მასზე დაკისრებული სხვა ვალდებულებები.
- 9.4 მიმწოდებელი უფლებამოსილია:
 - 9.4.1 მოითხოვოს შემსყიდველისგან გაწეული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად;
 - 9.4.2 ანგარიშსწორების ვადის დარღვევის შემთხვევაში, შემსყიდველისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად.
- 9.5 მიმწოდებელი ვალდებულია:
 - 9.5.1 მიაწოდოს შემსყიდველს ხარისხიანი მომსახურება;
 - 9.5.2 მომსახურების გაწევა განახორციელოს წინამდებარე ხელშეკრულების პირობების შესაბამისად;
 - 9.5.3 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე. აგრეთვე, დაუყოვნებლივ განახორციელოს ქმედებები აღმოჩენილი ხარვეზის გამოსწორებისათვის;

9.5.4 შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან/და ლიკვიდაციის შესახებ;

9.5.5 განახორციელოს ამ ხელშეკრულებით მასზე დაკისრებული სხვა ვალდებულებები.

10. ხელშეკრულებაში ცვლილებების შეტანა

10.1 ხელშეკრულების დამდებ არცერთ მხარეს უფლება არ აქვს ცალმხრივად შეცვალოს ხელშეკრულების პირობები.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3 დაუშვებელია ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევისა.

10.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

10.5 ხელშეკრულების პირობების ნებისმიერი ცვლილება უნდა გაფორმდეს წერილობითი შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

11. ხელშეკრულების შეწყვეტა

11.1 ხელშეკრულება შეიძლება შეწყდეს:

11.1.1 მხარეთა წერილობითი შეთანხმებით;

11.1.2 ხელშეკრულების ვადის გასვლის გამო;

11.1.3 საქართველოს კანონმდებლობით ან/და ამ ხელშეკრულებით გათვალისწინებულ სხვა შემთხვევებში.

11.2 შემსყიდველი უფლებამოსილია ცალმხრივად შეწყვიტოს ხელშეკრულება (მთლიანად ან ნაწილობრივ), თუ:

11.2.1 მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;

11.2.2 მიმწოდებელი სისტემატიურად ან/და უხეშად არღვევს ხელშეკრულების პირობებს;

11.2.3 მიმწოდებელი ხელშეკრულებით გათვალისწინებულ ან გაგრძელებულ ვადებში ვერ უზრუნველყოფს ხელშეკრულებით გათვალისწინებული ვალდებულებების შესრულებას;

11.2.4 ხელშეკრულების 12.3 და 12.4 პუნქტებით გათვალისწინებული პირგასამტეხლოს რაოდენობა მიაღწევს მთლიანი სახელშეკრულებო ღირებულების 10%.

11.2.5 მიმწოდებლის გადახდისუნარიობის წარმოების დაწყების შემთხვევაში;

11.2.6 საქართველოს კანონმდებლობით გათვალისწინებულ სხვა შემთხვევებში.

12. მხარეთა პასუხისმგებლობა

12.1 მხარეები იღებენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობის ან არაჯეროვანი შესრულების შედეგად მიყენებული ზიანი, მოქმედი კანონმდებლობით განსაზღვრული წესით.

12.2 შემსყიდველი პასუხისმგებელია ხელშეკრულებით გათვალისწინებული ანგარიშსწორების ვადების დარღვევისათვის. ასეთი დარღვევის არსებობის შემთხვევაში, იგი ვალდებულია პირგასამტეხლოს სახით მიმწოდებელს გადაუხადოს გადასახდელი თანხის 0.02% ყოველი ვადაგადაცილებული დღისათვის.

12.3 მიმწოდებელი პასუხისმგებელია მომსახურების გაწევის ვადების დარღვევისათვის. ასეთი დარღვევის არსებობის შემთხვევაში იგი ვალდებულია, პირგასამტეხლოს სახით შემსყიდველს გადაუხადოს ხელშეკრულების მთლიანი ღირებულების 0.02% ყოველი ვადაგადაცილებული დღისათვის.

12.4 თუ მიმწოდებელი საგარანტიო ვადის პერიოდში არ განახორციელებს წუნდებული მომსახურების გამოსწორებას, ხელშეკრულების 6.2 პუნქტის შესაბამისად, დაეკისრება პირგასამტეხლოს სახით ხელშეკრულების მთლიანი ღირებულების 0.02 % ყოველი ვადაგადაცილებული დღისათვის.

12.5 პირგასამტეხლოს გადახდა არ ათავისუფლებს მხარეებს ძირითადი ვალდებულების შესრულებისაგან.

13. ფორს-მაჟორი

13.1 მხარეები თავისუფლდებიან პასუხისმგებლობისაგან თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ასეთი ვითარების არსებობის შემთხვევაში ხელშეკრულების პირობების ან რომელიმე მათგანის მოქმედების შეჩერება არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ფორს-მაჟორს მიეკუთვნება ბუნებრივი ხდომილებანი ან პოლიტიკური, სამხედრო, სამართლებრივი, შრომითი, სოციალური, საგანგებო და შეუქცევადი გარემოებები (დაუძლეველი ძალა), როგორიცაა ომი, სტიქიური მოვლენები, ეპიდემია და ა.შ.

13.3 მხარე, რომელიც ხელშეკრულების 13.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან გონივრულ ვადაში წარმოადგინოს ფორს-მაჟორული გარემოების დამადასტურებელი დოკუმენტი შესაბამისი კომპეტენტური ორგანოდან, რომელიც დაადასტურებს წერილში მოყვანილ გარემოებებს.

- 13.4 ფორს-მაჟორული გარემოებების დადგომის შემთხვევაში თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 13.5 ხელშეკრულების 13.3 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულებების შესრულების ვადის გაგრძელებასთან დაკავშირებით ან/და ვადად შეწყვიტონ ხელშეკრულების მოქმედება.

14. დავების გადაწყვეტა

მხარეთა შორის წინამდებარე ხელშეკრულებიდან გამომდინარე ნებისმიერი დავა გადაწყდება ურთიერთშეთანხმების გზით. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობით დადგენილი წესის შესაბამისად.

15. ხელშეკრულების სხვა პირობები

- 15.1 ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი;
- 15.2 ამ ხელშეკრულებით გაუთვალისწინებელი საკითხები განისაზღვრება საქართველოს მოქმედი კანონმდებლობის შესაბამისად;
- 15.3 ხელშეკრულება შედგენილია ქართულ ენაზე, სამი თანაბარი იურიდიული ძალის მქონე ეგზემპლარად, რომელთაგან ხელშეკრულების 1(ერთი) ეგზემპლარი ინახება „მიმწოდებელთან“; 2 (ორი) ეგზემპლარი „შემსყიდველთან“.

16. ხელშეკრულების მოქმედების ვადა

ხელშეკრულება ძალაშია მისი ხელმოწერის დღიდან და მოქმედებს -----წლის ----- ჩათვლით.

17. მხარეთა რეკვიზიტები:

„შემსყიდველი“

საქართველოს იუსტიციის სამინისტროს სსიპ „აღსრულების ეროვნული ბიურო“

იურიდ. მის: ქ. თბილისი, დავით აღმაშენებლის ხეივანი მე-10 კმ.

ბანკის კოდი: TRESGE22

მიმღების ბანკი: სახელმწიფო ხაზინა;

მიმღების დასახელება: ხაზინის ერთიანი ანგარიში;

მიმღების ანგარიში/სახაზინო კოდი: 707453459

საიდენტიფიკაციო კოდი: 205263873

ფინანსების, სტატისტიკისა და შესყიდვების
სამსახურის უფროსი

„მიმწოდებელი“

საიდენტიფიკაციო ნომერი: _

იურიდ. მის: _____

ტელ: (995 32) _____.

ა/ა _____; ბანკის კოდი: _____

**ელექტრო და მექანიკური სისტემების შეკეთებისა და ტექნიკური მომსახურების
ტექნიკური დავალება**

(პრეტენდენტის დასახელება)

1. სსიპ აღსრულების ეროვნული ბიუროს მოწყობილობებისა და სისტემების ჩამონათვალი:

1.1 გათბობა-გაგრილება-ვენტილაცია:

- 1) სავენტილაციო დანადგარი „jet-vent“ 2500 კუბ. 1 ცალი. 5000 კუბ. 3 ცალი, ასევე 2 ცალი 1000 კუბ. გამწოვი ვენტილატორ;
- 2) გათბობის კედლის დასაკიდი ქვაბი „ariston“ 32კვ 1 ცალი. დასადგამი ქვაბი „baymak“ 2 ცალი 232 kw და 175kw სანთურებით „unigas“ 85-200 kva;
- 3) გაგრილების დანადგარი (ჩილერი) 4 ცალი: 1 ცალი „aermec“-104kw, 2 ცალი „midea“-130kw და 1 ცალი 65kw;
- 4) გათბობა-გაგრილების შიდა ბლოკები არხული ფენკოილი „vmb“-5kw 4 ცალი. კასეტური ფენკოილი „midea“ 52 ცალი, „aermec“ 4ცალი;
- 5) სპლიტ კონდიციონერი ზამთარ ზაფხულის რეჟიმით 14 ცალი 18kw. 17 ცალი 22kw „midea“ და 6 ცალი 18kw 1 ცალი 22kw „gaianz“. 15 ცალი 3,5kw;
- 6) 2 ცალი გათბობა გაგრილების სისტემის გამაფართოვებელი ავზი „nema“ 200ლ;
- 7) 2 ცალი წყლის გამაცხელებელი ბოილერი „dikkat“ 300 ლ;
- 8) საცირკულაციო ტუმბოები „dab“ bp 60/280 2 ცალი და „lowara“ fce 85-125/40;
- 9) პანელური რადიატორი 75 ცალი;
- 10) იატაკის ფენკოილები „elektroteknika“ 16 ცალი 2.5 kw.

სსიპ აღსრულების ეროვნული ბიუროს რეგიონალურ ოფისებში არსებული მოწყობილობებისა და სისტემების ჩამონათვალი:

- 1) სპლიტ კონდიციონერი ზამთარ ზაფხულის რეჟიმით 2,2kw. ქ. ახალქალაქი, ქ. წნორი,ქ. ხარაგაული, ქ. ტყიბული, ქ. ჭიათურა, ქ. ცაგერი, ქ. ბაღდათი, ქ. ბოლნისი.
- 2) გაზის გამათბობელი ქ. დედოფლისწყარო, ქ. ბორჯომი.

1.2 ელექტრო ალტერნატივა:

- 1) გენერატორი „kurguzoglu“ 56 kva შიდა შესრულების;
- 2) ენერგოტორი „teksan“ 205 kva გარე შესრულების;
- 3) ცენტრალური იუპიესი - მუდმივი დენის წყარო;
- 4) გენერატორი „Aksa“ 300 kva გარე შესრულების.

1.3 ლიფტი:

- 1) ლიფტი „pneuma“ 4 კაციანი 450 კგ geo: 445.

1.4 სახანძრო სიტემა:

- 1) „mawigard“ სახანძრო პანელი სრული კომპლექტაციით (სახანძრო ღილაკები დეტექტორები და საყვირები);
- 2) სახანძრო დაფა 10 კომპლექტი.

1.5 სათვალთვალო სიტემა:

- 1) 3 ცალი დივიარი „samsung“ 16 პორტიანი 3 მონიტორით;
- 2) გარე შესრულების კამერა 4 ცალი „ptz“ და 25 ცალი ინფრაწითელი ნათებით;
- 3) შიდა შესრულების კამერა 26 ცალი „samsung“ ავტო ირისი და 2ცალი „sony“ ავტო ირისი.

1.6 ბარათების წამკითხველი სისტემა:

- 1) „Supreme“-ს ფირმის 22 ცალი ბარათების წამკითხველი და 15 ცალი კარის საკეტის ელექტრო გამდები მოწყობილობა.დამატებით საჭიროებიდან გამომდინარე 2 ცალის დამონტაჟება.

1.7 შლაგბაუმების სისტემა:

- 1) 4 ცალი „BENINCA“-ს ფირმის შლაგბაუმის მომსახურება;
- 2) 1 ცალი „BENINCA“-ს ფირმის შლაგბაუმის მონტაჟი (შემსყიდველის მოწოდების შემდგომ);
- 3) 1 ცალი შლაგბაუმის ჯოხის, 2 ცალი ბარათის წამკითხველის, 2 ცალი სენსორის, 5 ცალი პულტის და 100 ცალი დაპროგრამებული ბარათის შესყიდვა მიმწოდებლის მიერ.

1.8 სპორტულ დარბაზში განთავსებული საგარჯიშო მოწყობილობების მოვლა-შეკეთება.

2. პერიოდულად გასაწევი მომსახურებები:

2.1 გათბობის სისტემის მომსახურება:

- 1) გათბობის ცენტრალური დანადგარის (ქვაბი) ყოველდღიური მონიტორინგი;
- 2) გათბობის ცენტრალური დანადგარის და მთლიანი სისტემის გამორეცხვა ყოველ 12 თვეში ერთხელ;
- 3) სისტემაში წყლის ან გლიკოლის წნევის კონტროლი;
- 4) საცირკულაციო დანადგარების კონტროლი რომ არ მოხდეს გახურება ან არ გამოვიდეს მწყობრიდან საკისრები;
- 5) გათბობის დანადგარის (ფანკოილი) ფილტრების გასუფთავება ჭუჭყისაგან ყოველ თვიურად;
- 6) გათბობის სისტემის დეტალების მწყობრიდან გამოსვლის შემთხვევაში მიმწოდებელი ვავდეზულია განახორციელოს დაზიანებული დეტალების შეცვლა, ჯამური ღირებულებით არაუმეტეს 1'000 ლარი წელიწადში.

2.2 გაგრილების სისტემის მომსახურება:

- 1) გაგრილების ცენტრალური დანადგარის ყოველდღიური მონიტორინგი;
- 2) გაგრილების ცენტრალური დანადგარის და მთლიანი სისტემის გამორეცხვა ყოველ 12 თვეში ერთხელ და რადიატორების გასუფთავება საჭიროებისამებრ;
- 3) სისტემაში წყლის ან გლიკოლის წნევის კონტროლი;
- 4) საცირკულაციო დანადგარების კონტროლი, რომ არ მოხდეს გახურება ან არ გამოვიდეს მწყობრიდან საკისრები;
- 5) გაგრილების დანადგარის (ფანკოილი) ფილტრების გასუფთავება ჭუჭყისაგან ყოველთვიურად;
- 6) გაგრილების სისტემის სრული დაცლა ზაფხულის სეზონის დამთავრებისას, რათა არ მოხდეს დეტალების დაზიანება გაყინვის შედეგად;
- 7) სპლიტ კონდენციონერებს ესაჭიროება ფილტრების გაწმენდა და შეცვლა, ფრეონის დამატება საჭიროების შემთხვევაში და ყველა მასში შემავალი დეტალის შეკეთება ან შეცვლა დაზიანების შემთხვევაში;
- 8) გაგრილების სისტემის დეტალების მწყობრიდან გამოსვლის შემთხვევაში მიმწოდებელი ვალდებულია განახორციელოს დაზიანებული დეტალების შეკეთება ან შეცვლა საკუთარი სახსრებით, ჯამური ღირებულებით არაუმეტეს 2'000 ლარი წელიწადში.

2.3 სახანძრო სისტემის მომსახურება:

- 1) სამისამართო სახანძრო სისტემის რევიზია მინიმუმ თვეში ერთხელ;
- 2) ქსელის დათვალიერება;
- 3) გადაბმების (შეერთებების) დათვალიერება;
- 4) სახანძრო დეტექტორების შემოწმება;
- 5) სახანძრო პანელის კონტროლი ყოველდღიურად;
- 6) რევიზიისა და დათვალიერების შედეგად გამოვლენილი უწყესრიგობების აღმოფხვრა საკუთარი სახსრებით;
- 7) საჭიროების შემთხვევაში დეტექტორის შეცვლა ან სისტემის აღდგენა, აკუმულატორების შეცვლა საკუთარი სახსრებით;
- 8) სახანძრო წყლის სისტემას ესაჭიროება თვეში ერთხელ გააქტიურება;
- 9) ცეცხლმაქრებში წნევის კონტროლი და საჭიროების შემთხვევაში დატუმბვა;
- 10) სახანძრო სისტემის მომსახურებაზე მიმწოდებლის სახსრებით შეცვლილი დეტალების ჯამური ღირებულება წელიწადში არ უნდა აღემატებოდეს 1'500 ლარს.

2.4 ვიდუო-სამეთვალყურეო სისტემის მომსახურება:

- 1) ქსელის დათვალიერება თვეში მინიმუმ ერთხელ;
- 2) გადაბმების დათვალიერება თვეში მინიმუმ ერთხელ;
- 3) კამერის ლინზების გაწმენდა საჭიროებისამებრ;
- 4) კამერის ხედვის მიმართულების შეცვლა ადმინისტრაციის მოთხოვნით;
- 5) დერ _ ჩამწერი მოწყობილობის კონტროლი ყოველდღიურად;
- 6) პერიოდულად მყარი ბადროს („დისკი“ _ „ვინჩესტერი“), გამართულად მუშაობის შემოწმება;
- 7) რევიზიის და დათვალიერების შედეგად გამოვლენილი უწყესრიგობების აღმოფხვრა საკუთარი სახსრებით;
- 8) საჭიროების შემთხვევაში, პასიური გრეხილი წყვილის („ვიდეო ბალონი“), კვების ბლოკის 5ა , მყარი ბადროს („დისკი“ _ „ვინჩესტერი“) ზომით 1ტბ შეცვლა საკუთარი სახსრებით;
- 9) ვიდუო სამეთვალყურეო სისტემის მომსახურებაზე მიმწოდებლის სახსრებით შეცვლილი დეტალების ჯამური ღირებულება არ უნდა აღემატებოდეს 1'500 ლარს წელიწადში.

2.5 ვენტილაციის სისტემის მომსახურება:

- 1) ვენტილაციის ცენტრალური დანადგარის ყოველდღიური მონიტორინგი;
- 2) ვენტილაციის დანადგარზე ყოველთვიურად უნდა გასუფთავდეს ფილტრები;
- 3) დანადგარზე უნდა შემოწმდეს ღვედები და მრავი;
- 4) ფილტრებისა და ღვედის შეცვლა საკუთარი სახსრებით;
- 5) ვენტილაციის სისტემის მომსახურებაზე მიმწოდებლის სახსრებით შეცვლილი დეტალების ჯამური ღირებულება არ უნდა აღემატებოდეს 500 ლარს წელიწადში.

2.6 გენერატორების მომსახურება:

- 1) ზეთისა და ზეთის ფილტრის, ასევე დიზელის ფიტრის დროული შეცვლა საკუთარი სახსრებით;
- 2) მონიტორინგის მიზნით კვირაში ერთხელ ამუშავება;
- 3) გენერატორის გაუმართავობის შემთხვევაში კომპიუტერული დიაგნოსტიკა;
- 4) დაზიანებული დეტალების შეცვლა საკუთარი სახსრებით, წელიწადში არაუმეტეს 2'000 ლარის ღირებულებით.

2.7 ელექტრო სისტემის მომსახურება:

- 1) 2 ცალი ელ. კარების მომსახურება;
- 2) ელ. ფარების ყოველკვირეული მონიტორინგი;
- 3) სადენების შემოწმება, რომ არ გახურდეს და არ დაიწვას;
- 4) ამომრთველების გასუფთავება მტკერისაგან;
- 5) პერიოდულად დენის ძალის (ამპერაჟის) კონტროლი;
- 6) ნათურების ჩამრთველების, შტეფსელების და ავტომატური ამომრთველების შეცვლა საჭირო ამპერაჟის გათვალისწინებით საკუთარი სახსრებით;
- 7) შენობების და ეზოს განათების ნათურების შეცვლა (ნათურების მიწოდებას უზრუნველყოფს მიმწოდებელი), საჭიროების შემთხვევაში ამწე-კალათის გამოყენებით;
- 8) სანათების დაზიანების შემთხვევაში მიმწოდებლის მიერ მათი ახლით შეცვლა;
- 9) ელექტრო სისტემის დეტალების მწყობრიდან გამოსვლის შემთხვევაში მიმწოდებელი ვადადებულია განახორციელოს დაზიანებული დეტალების შეცვლა, ჯამური ღირებულებით არაუმეტეს 10'000 ლარი წელიწადში.

2.8 ბარათის წამკითხველი სისტემის მომსახურება

- 1) ბარათის წამკითხველი სისტემის ყოველდღიური მონიტორინგი;
- 2) მოწყობილობის დაპროგრამება საჭიროების შემთხვევაში;
- 3) მოწყობილობის რელეების, ტრანსფორმატორების და კარის საკეტის ელექტრო გამდებების შეკეთება ან შეცვლა საჭიროების შემთხვევაში, საკუთარი სახსრებით;
- 4) ბარათის წამკითხველი სისტემის მომსახურებაზე მიმწოდებლის სახსრებით შეცვლილი დეტალების ჯამური ღირებულება არ უნდა აღემატებოდეს 1'000 ლარს წელიწადში.

2.9 შლაგაუმების მომსახურება:

- 1) ბარათის წამკითხველი სისტემის ყოველდღიური მონიტორინგი;
- 2) დაზიანებული ბარათების შეცვლა და დაპროგრამება საჭიროების შემთხვევაში საკუთარი ხარჯებით;
- 3) მოწყობილობის რელეების და ტრანსფორმატორების და სხვა დეტალების შეკეთება ან შეცვლა საჭიროების შემთხვევაში, საკუთარი სახსრებით;
- 4) შლაგაუმების მომსახურებაზე მიმწოდებლის სახსრებით შეცვლილი დეტალების ჯამური ღირებულება არ უნდა აღემატებოდეს 2500 ლარს წელიწადში.

2.10 ლიფტის მომსახურება:

- 1) ლიფტი საჭიროებს თვეში ერთხელ შაზების და საგორავების გაწმენდა მტკერისაგან და დაზეთვა;
- 2) გაუმართავობის შემთხვევაში კომპიუტერული დიაგნოსტიკა და გამოვლენილი უწესრიგობების აღმოფხვრა საკუთარი სახსრებით;
- 3) დაზიანებული დეტალების შეცვლა, წელიწადში არაუმეტეს 1'000 ლარის ღირებულებით.

2.11 წყალმომარაგების სისტემის მომსახურება:

- 1) წყლის წნევის რეგულირება;
- 2) წნევის შემქმნელი ტუმბოების შემოწმება;
- 3) წყლის ფილტრების გასუფთავება ან შეცვლა;
- 4) მრიცხველების შეცვლა დაზიანების შემთხვევაში საკუთარი სახსრებით;
- 5) წყალმომარაგების სისტემის მომსახურებაზე მიმწოდებლის სახსრებით შეცვლილი დეტალების/მასალების ჯამური ღირებულება არ უნდა აღემატებოდეს 1000 ლარს წელიწადში.

შენიშვნა:

გარდა ჩამოთვლილისა, ყოველდღიურად შეიძლება წარმოიშვას კონდესატის პრობლემა არსებულ მიწებზე და საჭირო იქნება მისი აღმოფხვრა მიმწოდებლის სახსრებით.

მომსახურების განხორციელებისთვის აუცილებელი ტექნიკური პერსონალის მინიმალური რაოდენობები:

1. ელექტრო სისტემების (ნათურების, შტეფსელების, ამომრთველების, სადენების) და გენერატორის მომსახურება – 1 პერსონა, ყოველდღიურად 08:00-დან 19:00-მდე;
2. გათბობა-გაგრილება, ვენტილაციის და წყალგაყვანილობის სისტემის მომსახურება – ერთი პერსონა, ყოველდღიურად 08:00-დან 19:00-მდე;
3. ლიფტის, სახანძრო, სათვალთვალო, შლაგაუმის და ბარათის წამკითხველი სისტემების მომსახურება – 1 პერსონა, ყოველდღიურად 08:00-დან 19:00-მდე;
4. 1 (ერთი) მომსახურე პერსონალის 24 სთათიანი მორიგეობა.

მიმწოდებელმა უნდა გამოყოს ერთი პირი შემსყიდველთან საურთიერთობოდ, რომელიც კოორდინაციას გაუწევს ტექნიკური პერსონალის მუშაობას.

წლის განმავლობაში ყველა შეძენილ დეტალზე/მასალაზე წარმოდგენილ უნდა იქნეს საქონლის შესყიდვის დამადასტურებელი შესაბამისი დოკუმენტაცია.

საჭიროების შემთხვევაში შესაძლებელია მოხდეს სხვადასხვა პოზიციებისთვის განსაზღვრულ წლიურ ლიმიტებს შორის კორექტირება, ისე, რომ არ მოხდეს ჯამური თანხის გაზრდა.

პრეტენდენტის ხელმოწერა _____
ბ.ა

ხელმოწერის სახელი, გვარი

გასაწევი მომსახურების ხარკთაღრიცხვა

(პრეტენდენტის დასახელება)

შესყიდვის ობიექტის დასახელება	ზომის ერთეული	1 (ერთი) თვის მომსახურების ღირებულება	მომსახურების საერთო ღირებულება
1	2	3	4
აღსრულების ეროვნული ბიუროს ადმინისტრაციული შენობის, კვების ობიექტის, სამრეცხაოს, ღია ავტოსადგომის, სასწრაფო მეურნეობის, რეგიონალური ოფისების და აღსრულების პოლიციის შენობაში არსებული ელექტრო და მექანიკური სისტემების მოვლა-შეკეთების მომსახურება (საჭირო სათანადო ნაწილების ჩათვლით)	თვე		
ჯამი			

პრეტენდენტის ხელმოწერა _____
ბ.ა.

/ /
ხელმომწერის სახელი, გვარი

მომსახურების გაწევის ვადები

(პრეტენდენტის დასახელება)

N	მომსახურების დასახელება	მომსახურების გაწევის ადგილი	მომსახურების გაწევის ვადა
1	2	3	4
1	აღსრულების ეროვნული ბიუროს ადმინისტრაციული შენობის, კვების ობიექტის, სამრეცხაოს, ღია ავტოსადგომის, სასაწყობო მეურნეობის, რეგიონალური ოფისების და აღსრულების პოლიციის შენობაში არსებული ელექტრო და მექანიკური სისტემების მოვლა-შეკეთების მომსახურება (საჭირო სათანადო ნაწილების ჩათვლით)	<u>ქ. თბილისის, დ. აღმაშენებლის ხეივანი მე-10 კმ.</u> 1. ახალქალაქის ოფისი - მის: თამარ მეფის N44; 2. წნორის ოფისი - რუსთაველის N39; 3. ხარაგაულის ოფისი - სოლომონ მეფის N9ა; 4. ტყიბულის ოფისი - ახობადის N12; 5. ჭიათურის ოფისი - ნინოშვილის N5ა; 6. ცაგერის ოფისი - რუსთაველის N69; 7. ბაღდათის ოფისი - ვაჟა-ფშაველას N5; 8. ბოლნისის ოფისი - დ. აღმაშენებლის N68ა; 9. ბორჯომის ოფისი - წმინდა ნინოს N7; 10. დედოფლისწყაროს ოფისი - გონაშვილის N6.	მომსახურების გაწევა უნდა განხორციელდეს მიმწოდებლის მიერ, მისივე ხარჯებით 2017 წლის 01 იანვრიდან 2017 31 დეკემბრის ჩათვლით.

შენიშვნა: რეგიონებში გასაწევი მომსახურება მოიცავს მხოლოდ გათბობა-გაგრილება-ვენტილაციის მომსახურებას, ტექნიკური დოკუმენტაციის დანართ №1 - ში მოცემული მოწყობილობებისა და სისტემების ჩამონათვალის შესაბამისად.

პრეტენდენტის ხელმოწერა

ბ.ა.

/

ხელმოწერის სახელი, გვარი

/

რ ე კ ვ ი ზ ი ტ ე ბ ი

პრეტენდენტის დასახელება	
საინფორმაციო კოდი	
იურიდიული მისამართი	
ფაქტობრივი მისამართი	
ოფისის ტელეფონი	
მობილური ტელეფონი	
ფაქსი	
E-mail	
ხელმოწერის თანამდებობა სახელი გვარი	
მომსახურე ბანკის დასახელება, ბანკის კოდი	
ანბარიშის ნომერი	

პრეტენდენტის ხელმოწერა _____
ბ.ა

/ /
ხელმოწერის სახელი, გვარი